

# VICTORY HMONG ALLIANCE CHURCH

*“Be imitators of Christ living together in victory”*

1 Corinthians 11:1; 15:57-58



602 Acewood Blvd - Madison, WI - 53714 - [www.victoryhmong.org](http://www.victoryhmong.org)

**TSAVNTAWV TSHAJXO (NEWSLETTER)**

**MAY 2021**



## SENIOR PASTOR:

Xh. Tswv Tub Vwj

Nyob zoo cov ntseeg. Zoo siab tau hrov tuaj ntsib nej sawvdaws rau

ntawm tsab ntawv tshajxo no. Vam hais tias nej yuav ntsib kev noj qab nyob zoo. Kuv ua nej sawvdaws tsaug uas nej nco ntsoov thov Vajtswv rau peb cov tswvcuab thiab kev ua Vajtswv haujlwm rau hauv peb pawgntseeg. Txawm peb tseem nyob rau nomtswv kev samhwm kom ceevfaj rau tus kabmob nyob rau lub sijhawm no los, sawvdaws tau rov tuaj pehawm Vajtswv zujzus. Qhov no ua rau kuv zoo siab heev hais tias peb muab Vajtswv thiab kev ntseeg Yexus ua qhov tseemceeb rau peb. Peb tsis cia kev txhawj ntsai ua qhov yeej. Peb vamkhom tau rau peb tus Tswv Yexus lub hwjchim tivthaiv peb. Kuv thov nqua hu kom peb sawvdaws yeejmeem kub siab lug tuaj koom kev pehawm Vajtswv txhua lub limtiam. Vam hais tias yuav pom peb cov tswvcuab txhua tus rov tuaj pehawm uake rau hauv tuamtsev. Thov Vajtswv nyob nrog nraim nej thiab tso mkwm nej sawvdaws.

## TXOJLUS TXHAWBZOG: “Leejniam Tus Zoo”

Tus Sau: Xh. Tswv Tub Vwj

Lub 5 hlis no yog peb tig rov los nco txog niam rau Niam Hnub (Mother’s Day). Yog



peb tig saib, yeej tsis muaj ib tug neeg twg yuav zoo npaum li leejniam. Nws yog tus ua txhua yam kom nws tsevneeg thiab nws tej menyuam muaj lub neej zoo. Nws ua haujlwm nrhiav nyiajtxiag, nws tu tej menyuam, nws ua noj ua haus rau tsevneeg, nws ntxiv ntxhua, nws qhuabqhia tej menyuam, thiab ua ntau yam ntxiv. Leejniam yog tus ua txhua yam kom tsevneeg muaj txhij txhua.

Paj Lug 31:27 hais tias, *“Nws rau siab ntso khwv thiab saib ntshis tsis pub nws tsevneeg raug kev txomnyem.”* Tseeb tiag, tus pojniam lossis leejniam yog tus ua txhua yam txhawb nws tus txiv thiab tsevneeg. Yog tsis muaj nws, tsevneeg yuav tsis ruajntseg thiab tau txhua yam. Yog li yeej tsimnyog tus txiv thiab tej menyuam tig los nco txog nws tej kev zoo.

Cia peb ua li vajntxwv Xalumoos hais rau ntawm Paj Lug 31:28 uas hais tias, *“Nws tej menyuam nco nws txiajntsig, thiab nws tus txiv qhuas ntxhais nws.”*

Cia peb cov ua tus txiv thiab cov menyuam tig rov los pom leejniam txojkev zoo no. Cia peb txawj nco nws txiajntsig

thiab txawj ua tsaug rau nws. Twb yog vim muaj leejniam, peb thiaj muaj lub neej zoo.

NYOB rau lub 4 hlis, tim 8, xyoo 2021 no; muaj ib qho Article “**How To Make Your Mother Happy**” tau muab cov **tswvyim** li no los txhawb qhov yuav muab tau kev **zoosiab** rau leejniam tus uas zoo.

1. Ua tej yam qhia rau koj niam hais tias koj tabncuab nws (care).
2. Nco ntsoov nug saib koj niam nyob li cas lawm.
3. Sau ntwav lossis text nug txog koj niam kev noj qab nyob zoo.
4. Thov txim thaum koj paub hais tias koj ua tej yam tsis zoo rau koj naim lawm.
5. Muab khoomplig txhawb koj niam zog.
6. Qhia koj niam rau koj cov phoojywg.
7. Koj pab koj niam ua haujlwm hauv lub vaj lub tsev.
8. Ua tej pluasmov qab qab rau koj niam tau noj.
9. Txawj pab koj tus kheej txhob tos koj niam pab koj lawm xwb.
10. Siv sijhawm nrog koj niam nyob uake.
11. Nco ntsoov tej hnuv tseemceeb hauv koj niam lub neej (ex: nws hnuv yug lossis Niam Hnuv li hnuv no).

Leejniam yog tus zoo tiag tiag rau peb. Cia peb ua tej yam li no los txhawb nws zog thiaj muab kev zoosiab rau nws. **HAPPY MOTHER’S DAY** rau txhua tus leejniam thiaj niamtsev.



**ASSOCIATE  
PASTOR  
Xh. Isaiah Thor**

Dear Victory Hmong Alliance Family, Summer is just right around the corner! As warmer weather approaches, we are expecting more outdoor activities and gatherings. It has been a joy serving alongside of our leaders in prepping and

getting ready for this summer. Although COVID still lingers around, I praise God that He has been mindful of our Church Family and have kept us safe through this pandemic. May our God continue to bless you and your family to bear fruit though Christ alone!

**YOUTH UPDATE:** We have been meeting up since the 2<sup>nd</sup> week of April, and praise God that we have been so consistent with our Youths who show up! We average about 30 people per Friday night. Thank you for investing in the spiritual walk of your children by teaching them to put God first. If your child is in need of a ride to Church, please do not hesitate to let me know. We will continue to meet every Friday Night from 6:30PM-8:30PM.

HLUB is approaching us quickly. There’s only a couple of months left before our Youth heads out to Indiana University for HLUB Camp. We have reserved a 49 passenger coach bus for our Youth group. There will be a mandatory meeting with parents July 11<sup>th</sup>, 2021 right after church service to go over waiver forms, what to bring, and expectations for our Youth. If you have any further questions regarding HLUB or Friday Nights, please feel free to contact me at 608-577-0578 or my email at [Isaiahthor@gmail.com](mailto:Isaiahthor@gmail.com). Thank You!

## LUS TSHAJTAWM:




1. Cov Txivtsev yuav muaj txoos uake pehawm Vajtsv thiaj kev sibraug zoo rau hnuv Friday, lub 5 hlis, tim 22 (May 22), rau thaum 6:30pm rau tom tuamtsev. Caw txhua tus txivtsev thiaj cov tub hluaas tua koom. Yog muaj lus nug no thov hu rau Thawj Txivtsev Nixon Vaj. Thov

ibleeg nqa ib qho zaubmov tuaj thiab.

2. Cov Vivncaus lossis niamtsev yuav muaj kev txoos uake pehawm Vajtswv thiab sibraug zoo rau lub Friday, 6 hlis, tim 11 thaum 6:30pm rau ntawm tuamtsev. Thov caw txhua tus niamtsev thiab cov ntxhais hluas tuaj koom. Yog muaj lus nug dabtsi no, hu rau Thawj Niamtsev N. Txoov Sawm Hawj.
3. Peb yuav muaj tostxais tswvcuab tshiab rau hnuv Sunday lub 5 hlis, tim 23 thaum 1:00pm.
4. Twb tau 4 xyoos los no lawm, yog li lub Rooj Tsavxwm xav kom peb cov tswvcuab rov ua ntaubntawv ua tswvcuab dua (renew membership). Peb muaj cov ntawv (application) nyob rau tom tuamtsev, nram lub rooj nram qab. Thaum nej tuaj church, thov nej muab coj mus suam thiab xa rov qab tuaj rau Xh. Tswv Tub lossis Kl. Nchaiv Daus Hawj.
5. Hauvpaus Kooshaum Hmoob lub rooj sablaj txwm xyoo yuav muaj nyob rau Milwaukee rau thaum lub 7 hlis, tim 4 txog rau tim 9. Yog nej leejtwg xav mus koom kev pehawm Vajtswv rau yav tsausntuj los yeej tau.
5. Tamsi no cov ministries lossis tej phab peb qhib rau hauv pawgntseeg rau cov ntseeg tuaj koom uake yog cov no:
  - a. Kev pehawm Vajtswv rau hnuv Hnubkaj.
  - b. Cov Niamtsev kev txoos uake thiab kev pehawm Vajtswv uake.
  - c. Cov Txivtsev kev txoos uake thiab kev pehawm Vajtswv uake.
  - d. Cov hluas kev txoos uake thiab kev pehawm Vajtswv txhua hnuv Friday tsausntuj.
6. Yog nej cov ua niam ua txiv leejtwg xav

fij menyuam rau Vajtswv no, thov hais rau Xh. Tswv Tub paub.



1. Vajtswv tsim tibneeg rau hnuv twg?
  - A. Hnuv 4
  - B. Hnuv 5
  - C. Hnuv 6
  - D. Hnuv 7

\* Mus saib hauv Chivkeeb 1:26-27
2. Muaj pestsawg yam xwmtxheej Vajtswv tso los rau Iziv vim Falaus tsis kam tso cov Yixalayeas tawm hauv Iziv Tebchaws mus?
  - A. 3 yam
  - B. 7 yam
  - C. 10 yam
  - D. 12 yam

\* Mus saib hauv Khiav Dim 7:19; 8:2, 16, 21.
3. Leejtwg yog tus Npananpas coj nrog nws mus rau Ati-aukias (Antioch)?
  - A. Xilas
  - B. Paulus
  - C. Lukas
  - D. Malaukaus

\* Mus saib Tes Haujlwm 11:25-26

### THOV VAJTSWV RAU (PRAYER ITEMS):

1. Thov Vajtswv rau pawg ntseeg kev nrhiav lub tsev xibhwb thib ob (second parsonage). Tabtom txais nyiaj rau nram Orchard Alliance.



2. Thov Vajtswv pab rau cov tswvcuab uas muaj mob. Peb kuj muaj cov hluas thiab cov laus uas muaj mob. Yog li thov sawvdaws pab thov Vajtswv rau lawv.

3. Thov Vajtswv pab rau Hauvpaus Kooshaum Hmoob lub rooj sablaj txwm xyoo yuav los rau lub 7 hlis, tim 4 txog 9, xyoo 2021 no nyob rau tom Milwaukee.

4. Thov Vajtsv pab rau cov hluas lub roj txhawbsiab HLUB nyob rau Indiana State University. Peb yuav muaj li 21 tus hluas nrog rau Xh. Isaiah thiab N. Xh. Isaiah lawv yuav mus koom.

5. Thov Vajtsv pab rau peb lub teb lub chaw kom txhob muaj kev sibntxub ntxaug. Tshwjxeeb yog ntxub peb cov neeg dubhau.

6. Thov Vajtsv pab rau peb pawgntseeg vim peb tau rov qhib kev pehawm Vajtsv thiab lwm yam ministries lawm. Kom txhua yam peb ua los txhob muaj dabtsi tabkaum.

7. Thov Vajtsv pab rau cov xibhwb lub roj txhawbsiab nyob rau thaum lub 8 hli, tim 19 txog rau 22 nyob rau Denver, CO.

8. Thov Vajtsv pab rau Hauvpaus Kooshaum Qibsiab lub roj sablaj yuav muaj nyob rau thaum lub 5 hli, tim 31 txog rau lub 6 hlis, tim 3 nyob rau Nashville, TN.

**CHURCH INFORMATION:**

**Cov Ministries qhib thiab Sijhawm:**

**Pehawm rau Hnubkaj** (Sunday Worship)  
1:00pm – 2:30pm

**Cov Hluas Sijhawm Pehawm Vajtsv**  
(Youth Worship)  
6:30pm – 8:00pm Every Friday night

**Cov Vivncaus (Niamtsev)**  
(Alliance Women Worship and Fellowship)  
6:30pm – 8:30pm  
Second Friday of every month.

**Cov Txivtsev**  
(Alliance Men)  
TBD (Mam Qhia Sijhawm)

**QUOTE:**

*“Kev zoosiab menyuam muab rau leejniam zoo dua li nyiaj thiab kub.”*

*“The joy and happiness a child brings to his mother is more precious than silver and gold.”*

~ Xh. Tsvv Tub Vwj ~

**MOTHER’S DAY SERVICE:**



Thawj Txivtsev Nixon Vaj muab paj faib rau cov niamtsev

Cov niamtsev los nqa paj!

